

Vanuatu Women's Centre

APRIL 2022 | ISSUE 3



Ofisal Niusleta blong Vanuatu Women's Centre

NIUS EDITION

Halo mo welkam long yu we isave ridim niusleta abaot ol wok we Senta istap mekem tru aot long kantri. Hemia hemi namba 4 issue we senta istap kivim aot, ol wanem wok we istap mekem. VWC hemi tekem responsabiliti blong tokbaot mo helpem pipol blong save ol fasin blong vaelens agensem ol woman mo ol pikinini (gel/boe), mo helpem ol woman, gel mo pikinini wetem ol disabiliti we oli stap fesem ol domestik vaelens long ol hom blong olgeta.

Nomata VWC fesem olgeta jalens long COVID19, VWC hemi olwes stap blong helpem ol woman mo ol gel we oli stap ko thru long ol rabis fasin blong Domestik Vaelens long taem blong lokdaon mo ikam kasem tedei. Senta istap lukim 2000 klaen evri yia long ol defren issues blong vaelens agensem ol woman mo ol pikinini.

Tok tankio istap ko long ol VWC Branj mo ol wokman, KAWAW (rural Volentia) mo ol patna blong VWC we oli save sapotem ol wok we oli stap mekem tru aot long kantri blong yumi long Vanuatu. Nomata se Covid19 ikam blong mekem wok blong yumi islo, yumi olwes stap blong tekem ol sevis iko kasem ol pipol blong yumi. Mifala I on wetem 161 frilaen blong helpem pipol blong kasem ol sevis blong VWC.

Hae Komisina blong Niu Silan imekem wan ofisol fisit lo VWC



Long Mande 14 Februare 2022, Vanuatu Women's Centre ikat wan official visit ikam long niufala Hae Komisina blong New Zealand long Vanuatu - Her Excellency, Nicola Louise Simmonds.

Long taem blong visit blong hem, hemi gat janis blong luk wanem wok we Vanuatu Women's Centre istap mekem. Hae Komisina interest blong save ol difren wok we VWC wetem ol branch i stap mekem mo hao yumi wok wetem komiuniti, ol jif, ol jios mo ol narafal stakeholder blong adressem Vaelens Agensem ol Woman, gel mo ol pikinini. Hae Komisina hemi tekem taem ya tu blong congratulatem long ol wok we okenaesesem stap mekem blong adressem Vaelens Agensem ol Women mo ol pikinini long Vanuatu.

YU SAVE KOLLEM MIFALA LONG

161

DEI O NAET

FRI HELP LAEN

KOLEM NAMBA IA SAPOS YU O WAN

FAMILI MEMBA I NIDIM

HELP O INFOMESEN

BLONG ENI

DOMESTIK VAELENS.

Vanuatu Women's Centre hemi wok wetem plante agencies blong mekem sua se ol woman mo ol gel oli gat akses lo sef mo gudfala sevis blong preventem mo stopem Vaelens long ol woman mo gel.

Vanuatu Women's Centre hemi luksave longtaem sapot we gavman blong Ostreilia i kivim mo tu sapot we Pacific Patnasip blong stopem Vaelens Agensem ol Woman mo ol gel i kivim we European Union, Gavman blong Ostreilia, Gavman blong Niu Zilan mo UN Women i sapotem, mo tu sapot we Oxfam i kivim.



VWC IMEKEM WAN PABLIK AWEANES



Long Namba 28 Januari 2022, Vanuatu Women's Centre hem bin mekem Aweanes long wan special event, we hemi Vanuatu Indigenous Roots long Ohlen – Football Field eria. Tufala speaker long taem ia hemi Ann-Marie Simeon, Humanitarian Officer mo Sharlene Sarai, KAWAW Officer. Aweanes we tufala ibin tokbaot hemi ol sevis blong Vanuatu Women Centre mo Domestik Vaelens, defren fasin blong Vaelens olsem: Fisikol vaelens, Emotional vaelens, Harrassmen mo power mo control. VWC kivim aot tu 100 each Brochures long: VWC Sevis, Wanem Domestik Vaelens, Famili Proteksen Loa, Wanem hemi Maret, Divos mo Niusleta.

Vanuatu Indigenous Roots ibin hostem 3 dei aktiviti blong ol yang yut raon long Port Vila blong tek pat long aktiviti lo Fraedei 28 kasem sandei 30 Januari 2022. Olgeta we istap long taem ia hemi Annie Berry, Secretary blong Vanuatu Indigenous Roots mo Charley Seule, President blong Central Ward long Port vila. Purpose blong event ia hemi blong involvem Gavman Depatmen mo Non Gavman Okenaasesen blong provaedem aweanes mo hostem 3 dei event ia blong kivim ol valuable infomesen iko long pipol long komuniti. Abaot 200 yang Yuts oli kam long defren eria olsem: Teouma, Pango, Seaside (Paama mo Tongoa), Erakor mo Ohlen eria.

KAMPEIN LONG INTANASONAL DEI BLONG OL WOMAN

Long Intanasonel Dei blong ol Woman long Tuesdei 8 Maj 2022, Vanuatu

Women's Centre ibin joenem ol narafala okanaasesen mo kaontri raon long wol blong talem se:

Yumi mas brekem saelens mo ol rabis fasin we istap hapen long ol gel mo ol woman. Yumi mas mekem sua se igat fea tritment tuwods evriwan long society blong yumi.

Yumi luksave tu ol woman mo gel long Vanuatu we oli stap wok blong mekem wan difference long laef blong olgeta, mo laef blong ol narafala pipol long ol difren wok we oli stap mekem.

MINISTRI BLONG JASTIS MO MALVATUMAURI PATNASIP PROJEK.

Vanuatu Women's Centre staffs ibin joenem live stream wetem ol nara gavman sector mo stakeholders long legal awareness radio prokram mo lukim stretem Rod blong Jastis i handem ova ol materials blong Radio Prokram iko long ol Jif mo ol komuniti lida. Hemia long Chiefs Nakamal long 27 Eprel 2022.

Hemi wan joen patnasip projek blong Ministry blong justice mo Malvatumaori Councils of Chiefs we gavman blong Ostreilia I fundem tru Vanuatu/Australia policing and justice program. Daerakta blong Jastis I explainem ol impotens blong ol radio prokram olsem: Loa blong Jastis; Domestik Vaelens; Human Raets; Sexual vaelens mo jenorol kraem.

Ol resos ia bambae hemi helpem ol woman mo man blong save gud ol rael mo responsibility blong olgeta long loa ia mo hao blong deal wetem kriminol jastis sistem, tedei hemi wan bigfala issue long Vanuatu.

fulap fasin blong Domestik Vaelens istap kohet long ol woman, gel, pikinini mo ol disabiliti pipol. yumi mas tokbaot long olgeta ya:

- **wan famili we yu trastem**
- **jif**
- **jios lida**
- **polis 111**
- **Senta blong ol Woman 161**



Ol Vanuatu likol man mo woman oli praktis blong leftemap ol skills blong olgeta long wan spesel likol trening we Soilicitor blong Ostreilia Gavman ikivim. 14 loea long ofis blong State Loa, ofis blong Pablik Prosecuta, Ofis blong Pablik solicita , mo Vanuatu Women's Centre oli bin attentem wan 2 dei likol practical reasoning course mo oli enjoyem opportuniti blo save lanem tru long ostreila counterparts mo collaborate wetem ol nara agencies blong Vannuatu.

Fesbuk peig sos :Ostreila Hae Komisn

SCC:SILENT KAMPEIN BLONG MAKEM NASONAL DEI BLONG OL WOMAN LONG VANAUTU



Sanma Counselling Centre (SCC) ibin seremaot wanwan cups iko long ol Bisnis Hoas ofisa, Gavman woka mo ol NGOs blong soem wan silent kampein blong makem Nasonel Dei blong ol Woman Vanuatu. long mesej lo kap ia se: Stopem Domestik Vaelens wetem kontak Namba blong SCC. Ol Ofisa ia oli klad blong risivim ol kap mo bae oli usum blong putum long ofis tebol olsem hemi wan aweanes kampeign.

Event ia hemi wan wei blong yumi advoketm blong stopem ol rabis fasin blong Domestik Vaelens we isave hapen lo wokples o lo hom. SCC imekem wan wei blong isave mekem aweanes ia iko long ol agencies blong oli save help blong stopem vaelens agensem ol woman mo ol pikinini.

Sapos yu stap ko thru long Domestik Vaelens o ol defren fasin blong vaelens long hom o wokples blong yu, yu save kasem SCC long namba ia 36157 o 5483693, o kolem Nasonal frilaen blong Vanuatu Women's Centre 161, long Dei o Naet blong toktok long wan kaonsela blong isave helpem yu.

**Vanuatu Women's Centre Istap Blong
Helpem Yumi Save Ol
Issue Blong Jenda Ikuaiti, Human
Raets, Vaelens Agensem Ol Woman,
Family Proteksen Loa Mo Proteksen
Blong Ol Pikinini Mo Rep,
Seksual Abius Blong Pikinini, Seksual
Harrasmen, Cedaw,
Crc Mo Rael Blong Yumi.**

**Yu Wantem Save Moa, Toktok Ikam
Long Mifala O Kam Lukim Mifala.**

**kolem Nasonal Frilaen
161 o 25764**

AUSTRALIA FOOTBALL LEAGUE MO VWC WOK TUGETA



VWC Ibin konducktem Fesfala aweanes tok wetem Ofisa blong AFL, Media Coach pesen, Prokram Maneja mo wan AFL pleia long senta long namba 6 June 2022. Likol mo Komuniti Edukassen Ofisa blong VWC ibin tokbaot ol sevis, Jenda Base Vaelens, Domestik Vaelens mo Famili Proteksen Loa.

Vanuatu Footy League mo Vanuatu Women's Centre ibin saenem wan Memorandum blong Andastanding long 14 Eprel 2022. Hemi blong kat patnasip blong wok tugeta blong helpem ol yang yut gel mo boy long saed blog sports oli save ol issues blong Vaelens agensem woman mo pikinini gel mo boe. Mo tu narafala fasin we istap hapen long komuniti tedei. AFL ibin statem finis fesfala prokram blong hem long Nguna Aelen wetem wok blong VWC.

Prokram Maneja blong AFL Nancy Patterson hemi glad blong AFL isave wok wetem VWC mo blong helpem ol pelia mo evriwan we oli pat long AFL Vanuatu oli luksave ol issue blong Vaelens Agensem Woman mo ol gel mo Pikinini.

AWEANES BLONG STAP SEF ONLINE LONG TAEM BLONG LOKDAON.

Evri yia long manis Eprel, pipol raon long wol oli stap mekem aweanes abaot seksuel asolt. Long Vanuatu, ofis blong Peace Corps Vanuatu wetem patnasip blong Vanuatu Brodkasting mo Televisen Koperesen istap okanaesem ol webinar, o ol diskasen abaot seksuel asolt we ikamaot laef long televisen, redio Vanuatu, mo VBTC fesbuk pej.

Bigfala toktok we istap long diskasen long yia ia hemi: "Stap sef online long taem blong lokdaon". Toktok ia iminim se long taem blong lokdaon we istap from sik ia COVID-19, pipol ibin stap nomo long haos, mo oli no go long wok, long garen, market o mekem ol nara wok blong famili. Long taem olsem, fulap oli spendem taem blong olgeta blong go long intanet, mo ol nara sosel media platform, olsem fesbuk. Be pipol imas andastan tu se igat ol kriminol o ol pipol wetem ol rabis tingting too oli stap spendem time long intanet mo ol nara sosel media platform, wetem tingting blong stap spoelem ol narafala pipol, tru long fasin blong talem ol rabis toktok olsem ol tokswea, o ol toktok long saed blong seks blong rabisim narafala pesen, mo blong mekem narafala pesen istap harem nogud. So, long diskasen ia ol panelist o olgeta we oli bin stap blong givimaot ol aweanes tok, oli bin givim samfala tingting blong olsem wanem pipol isave protektem olgeta agensem ol kriminol ia mo ol rabis fasin we oli stap krietem long intanet blong spoelem laef blong ol narafala pipol. Mo semtaem too oli bin givim samfala tingting long saed blong wanem pipol isave mekem blong kasem help, spos oli fesem ol rabis fasin ia, taem oli stap yusum intanet mo ol nara sosel media platform.

Kaonsela Maneja blong Vanuatu Women's Senta, ibin tekpat long diskasen ia mo hemia samfala toktok we hemi bin talem long bihaf blong ofis ia:

"Sapos yu we yu stap fesem ol rabis fasin ia, ino yu wan, ikat fulap pipol oli stap fesem ol rabis fasin olsem. Be yu wan yu save helpem yu wan long samfala samting. Olsem, toktok long wan pesen we yu trastem, olsem tija blong yu, ol student o perens blong yu o somebody we yu trastem, o long boss blong yu sapos yu stap wok, mo yu luk se fasin ia istap afektem yu mo yu no save mekem gudwok blong yu, blong boss blong yu hemi andastanem wanem we yu stap go tru long hem.

Narafala point mi wantem mekem long ples ia se, yu mekem sua se yu rekodem evri incident we istap hapen from ol rekod blong yu ia isave helpem yu sapos we yu tingting blong tekem kes igo further long polis blong oli dealim kes blong yu. Ol rekod ia bae igivhan long olgeta plande long kes blong yu long wanem we istap hapen long yu.

Mo tu Vanuatu Women's Centre hemi stap givhan long saed blong kaonseling mo semtaem imekem ol referral. Sapos we yu nidim blong kam storian wetem mifala. yu save kam storian mo tu mifala isave givhan blong referrem yu igo long ol appropriate sevis olsem: Mind Care Unit o Police blong yu save kasem help long olgeta. Mo sapos yu no save kam, yu save kol ikam long toll-fri laen blong Vanuatu Women's Centre we hemi 161. Yu save kol long Dei o Naet blong yumi save toktok blong mekem se mifala isave givhan long yu bifo yu mekem wan decision we bae hemi nogud tumas long laef blong yu.

PAAMA KAVAW

Long 16 Mei 2022, VWC KAVAW blong Paama imekem Aweanes abaot Nasonal Dei blong ol Woman, Domestik Vaelens mo VWC sevis lo vilij blong Tevali. Ikat 18 Mama we oli kamaot lo komuniti blong Nao, Tahu mo Tevaliaod oli stap long aweanes ia. Long dei ia hemi makem Nasonal Dei blong ol Woman lo Vanuatu.

WANEM NAO VWC I MEKEM?

- **KAONSELING SEVIS**
- **KOMUNITI EDUKASSEN MO AWEANES**
- **BRANJ MO KAVAW MANEJMEN**
- **LIKOL INFOMESEN MO HUMAN RAETS**
- **MANEJMEN MO INSTITUTIONAL STRENGTHENING**

IKAT 12 SAMTING BLONG YU SAVE ABAOT OL FASIN TAEM MAN/PATNA BLONG YU IWAN ABIUSA O ISAVE SPOELEM YU:

- I stap yusum tumas alkol o nara tring mo istap talem se trong (alkol) nao imekem se hemi mekem trabol. samtaem oli talem se: Alkol nao imekem se mi mekem samting ia.
- long taem blong mekem fren, hemi stap spoelem yu, hemia i soem se long taem blong maret bae ikohet moa.
- Fasin blong jalus long yu oltaem, nating we yu talem se yu no mekem olting we hemi talem.
- Hemi bin lukim mama mo papa ibin kat vaelens, bae hem tu bae imekem, ol boe imekem olsem lo papa, samtaem yumi talem se olgeta oli stap karem vaelens
- Hemi nosave deal wetem kros blong hem.
- Wan man we ikat fasin blong vaelens, sapos yu fraet, hemi gud tumas blong LISIN long hem, from maet bae hemi save mekem tru samting.
- Hemi stap nogud long ol animol, kilim olgeta mo taem hemi kilim olgeta, hemi glad long hem. yu ting bae hemi no mekem yu olsem tu? LUKAOT
- Oltaem nomo hemi wantem holem o wok wetem rabis tul we isave kilim narawan. Olsem wanem sapos wan dei hemi poenem wan tul olsem masket lo yu, taem ikat rao? LUKAOT
- Hemi kranke o mentol o lusum hed
- wan man we ino tingbaot hem se hemi wan man, mo istap ting se yu tu iwan samting we hemi kat (posse-sive). wan dei iwantem kilim yu? LUKAOT
- Oltaem nomo hemi talem se yu nao yu mekem ol samting ino ron gud. yu nomo, yu stap mekem olting ino gud. Hemi gud nomo oltaem, ino kat samting.
- Hemi akseptem se vaelens hemi olraet. Wan dei isave kilim yu.

A girl worker

*You educate me
Your nurtured me
You empowered me
You equipped me to be courageous
You promote me from one level to another
Oh Vanuatu Women Centre, I embrace you*

A grown-up woman worker

*You were with me even when my mother was not around
You cloth me, fed me and provided my basic needs
You taught me my Human Rights
When I stumble and fall, you lift me up
You guide me through even when violence attacked me
I would be lost without you
Oh Vanuatu Women's Centre, I embrace you.*

Your legacy

*I am marvelled at your service
I am one of your product in your service
I inherit your blessings through knowledge & skills
I am enjoying your legacy
My future generations will continue to reap the harvest of your hard work
Oh Vanuatu Women's Centre, I embrace you.*

Written by: Kathleen Mabon Bani

YU HAREM NOGUD FROM OL RABIS FASIN WE ISTAP HAPEN LONG YU?



Vanuatu Women's Centre ikat ol **Kaonsela**, ko storean wetem olgeta o telefon mo toktok long **Fri Laen 161**



Ol helt senta, ikat ol **Nes** mo **Dokta**, hemi impoten blong toktok wetem ol kwiktaem, taem igat rabis fasin blong seks ikasem yu



Ol **polis** oli kivhan long yu, from sefti long laef blong yu mo pikinini. Yu no fraet, ripotem ol rabis fasin ya. Telefon long **22222** o **111 Fri Laen**



Vanuatu Women Centre ikat **Loea**, oli stap kivhan long yu. Toktok long ol long namba **25764**

(Ol toktok ia i kam long posta blong CARE wetem sapat blong Gavman blong Ostrelia)

Branj blong Vanuatu Women's Senta

Vanuatu Women's Senta
Telefon: 25764 /161 (Fri Laen)
Email: vwnc@vanuatu.com.vu o
Fesbuk pej: Vanuatu Women's Centre

Torba Kaonseling Senta: Sola -Vanualava Island Torba Provins -7648145/5493357

Sanma Kaonseling Senta: PO Box 335, Luganville, Santo, Sanma Provins- 36157/7771128

Penama Kaonseling Senta: Lavatu, Pentecost, Penama Provins - 7313952/5986827

Malampa Kaonseling Senta: Lakatoro, Malekula, Malampa Provins -7799165/5683670

Tafea Kaonseling Senta: PO Box 835 Lenakel, Tanna, Tafea Provins 88660/ 7101869